

永
定
河
志

永定河志目錄

卷四 考二

今河考

附兩岸減河
會流河淀



永定河志卷四

今河考

永定河本名盧溝河康熙三十七年

聖祖肇錫今名其上游通謂之桑乾河發源山西以今地

輿考之有三源一曰黃道泉馬邑縣志即澤水也

導源縣西北十里雷川側之洪濤山

縣志俗名神頭山一名澤

頭山鄠道元水經注所謂澤水出累頭山也水自出
山西南流微渾今亦謂之洪濤泉一曰桑乾水即

古潦涇水也源出縣西北金龍池池周里許舊名

司馬泊

一名司馬
洪濤泉

其水澄清可鑒隆冬不冰水經

注所謂洪源七輪潛通太原汾陽北燕京

即管山
濤

之天池者也今惟小泊泉

一作小
蒲

自西流入池小蘆

泉

一名細
蘆灣泉

自西北流入池其上泉玉泉詢之土人

皆不得其處三泉據縣志在縣東南五十里亦不

匯入斯河一曰灰河

一作恢

水經注所謂馬邑川水

也亦謂之南源距桑乾較遠源自寧武府寧武縣

管涔山

在縣西南六十里

之分水嶺

在縣西南四十里

嶺西為汾

水源嶺東為灰河源自源東北流逕府城南關外

東流黃花澗水自縣北黃花嶺下分流一由城西

關南流一由城東關東南流咸注之合而北流逕

大河堡北流至城東北隅鳳凰山水自北來注之

灰河又北流出陽方口城東北流入朔州界逕朔

州城南又東流北會岢嵐水水出州西北石槽村

平地湧泉流逕州城北十里北合臘河

源出洪濤山南南流

東南流至州城北七里俗謂之七里河逕酸刺村
亦謂之喇河逕州城東南入之灰河又南流沙楞
河自西北來注之河在朔州東南三十里朝夕有
潮東入灰河灰河又南流至東河村轉而東流逕
雁門關北又南屈而北逕石頭莊至馬邑城桑乾
泉自城西北會黃道泉南流逕城西至城南右會
灰河自下通稱桑乾矣桑乾河東流逕三家店北
東北流馬跑泉自西北來注之泉出馬邑興文堡

東南入桑乾河又東北流至西河底村雁門關水
自西南來注之水發源代州西北趵突泉北出塞
口合山北諸水北注桑乾河桑乾河又東北流鄯
河自西北來注之河自朔州東流至馬邑縣東三
十里

亦名黃水河

東入桑乾河桑乾河又東北流泥河

自泥河村西北來注之又東流折而北尾河自陽
和堡入大同府境西北來注之又東北流逕安銀
子村東南沙嶺北至山陰縣西轉而北流又曲逕

其縣西北繞黃花岡東南北流黃花岡即水經注之黃瓜阜也新莊子河發源懷仁縣南七十里新莊子村西南流逕黃花岡出大于口入山陰縣界東南逕前後小圪塔入桑乾河桑乾河又東北流黃水河亦名鄯河自南來注之河源出朔州東南之三泉流逕元英村寢散亂復聚於黑圪塔大同志所謂疑即桑乾枝津者也東北流逕山陰縣南復宿山之水自右注之水經注所謂左得夏屋山水者

也主山即復宿山之東支東逕應州師家坊北入桑乾河桑

乾河又東逕應州涼亭村北白泥河山榆林口東北流逕北西注之水乾河又東北逕大營村南木瓜河自西來注之河出山陰縣北水上村東流逕應州西之候家嶺又東北至大營村入桑乾河桑乾河又東南逕北賈家寨曹娘子堡磨道河自北來注之河出小峪山口東流逕懷仁縣南十五里名磨道河又東南逕乾溝村又東北入應州界注

桑乾河桑乾河又東流清水河自北來注之水出
懷仁縣東南六十里之韭畦村東南流逕應州北
水磨村又南至臧家寨入桑乾河桑乾河復折而
北又東鹽鹹二河納南山諸水之水自右注之代州

北之馬湖山水北流出湖峪口一水流入山陰縣
東南界漫流一水流入應州西南界入鹽河又應
州南四十里茹越嶺水北流出茹越口分為二一
東北流逕下寨等村又西逕康興莊等村入鹽河
一西北流逕南曹山又北逕何家疃至師家坊凡
三十八里入鹽河又峙峪口大小山門口水三源
並導匯而北流逕應州西南之峙峪山至張家坊
凡五十七里入鹽河又小石口水流逕應州東南

又折而西至寇家莊凡三十八里有奇歸鹽河又
應州西南四十七里馬蘭口水北流逕馬蘭莊又
西北逕南望莊至劉家莊凡三十九里入鹹河鹽
鹹二河水本無源土人挖鹽鹹成渠水匯為河並
北注於桑乾河又東北流逕屯兒村里八莊河南
桑乾河出懷仁縣西北十五里鵝毛口山東流
逕縣北八里莊名里八莊河東南逕應州界入桑
乾河桑乾一又東逕西安堡南堡在懷仁縣東南
三十里順治六年大同縣所移治也桑乾河又東
至邊耀山西右得渾源河水水發源渾源州東北

三十里汗土峪今名神頭村古崞川水也其水流

逕州西南十五里故崞縣麻家莊分流遶城西北

西匯為大澤又西合神溪水水發源州西北七里

高丈餘上有律呂祠周環泉水鼓涌旁合暖水西

南流逕橫山左又合乳泉泉出州西橫山嘴側南

流入神溪又南流注澤河又李峪水源出州西南

李峪口西北流注澤河又凌雲口水出州西南大

小峪北注澤水又磁窑峽水導源恒山北麓出磁

窑口東西分流東注於滄西注澤河又鸞嶺關水

出州東鸞嶺口西南注澤河又遠望峪水發源州

東南十里遠望峪出峪即伏至顧冊村匯為澤又

西注

澤河

渾源河合諸水

謹按渾水有二一曰渾河上自渾源州義家寨北流至應河境之羅

家莊下至大同之小昌城距應州三十里入泰乾河一曰渾源河發源於渾源州恒山東峯之陰戾峙峪下至州城東南方距城十里其水遶城北而西流入應州界與渾河合流入泰乾河曲折

西北流又西逕州東北趙霸岡唐泉東注之又西

北左得大石口水

水導源州東南茹越龍灣諸山自大石峪北流分為二水一北

流至楊家莊入桑乾一逕州東南北婁口水二

下杜村鎮子梁凡十五里入渾河

道發

源州東南一北流逕東上塞至東小塞凡十二里一北流至東上塞北少西又東北至安樂營凡二十里並又北逕邊耀村循邊耀山麓北出東轉逕注渾河

長子村東北注於桑乾河又東北逕鄭家莊入大同縣界左得大峪口河河即左雲縣南之馬頭河

自吳家窰東南流出大峪口逕懷仁縣南水磨等

村

又宋家莊河導源縣西南紅山峪東南流入大峪河

又東北入應州界又

北逕大同縣南鄭家莊入桑乾河桑乾河又東逕

新橋村古冢坡與如渾水會水導源察哈爾正紅

旂遊牧之葫蘆海水經注所謂如渾水出涼城旋

鴻縣西南者也由塞拉嗎克特不黑東南流入豐

鎮廳北牧地之永旺莊南逕三祝窰又南逕湧月灣又南逕民地之慈老溝又東南逕新城灣謂之

新城河靈泉自左注之

泉出豐鎮廳東石元山麓東北百步許清冽淵涵西

南流屈逕山南又南逕新城灣西注如渾水

又南逕焦山尾又南逕河

口灘行廳境凡五十餘里繇鎮羌邊牆水口南流

入大同縣界又南逕宏賜堡又南逕榆澗村孤山

村得勝河西來注之

河即水經注之羊河也一名三台道河源出察哈爾正紅

旗遊牧地由朔平府屬寧遠廳東流入豐鎮廳西常稔莊又東南逕二十一溝三台道山南流入得

勝口又東南逕孤山村入如渾水

左得八墩口之水又南逕孤店

又南逕白馬城又東南逕紫角村西紅花場東又

南逕府東門外之興雲橋謂之玉河橋亦名玉河

今名御河又折而南逕沙嶺子獨覺岡又南合十里河

即古武周川水也源發塞外菱角海由古雲內城入朔平府北之殺虎口東南逕左雲縣雲岡石窟寺南其東一窟靈泉出焉南流數十步注川水東逕青磁窑入大同縣境又東逕墓石灣又東流出小站口循山麓屈曲而南折而東逕王家園北又屈逕其東又南逕時家莊東又東南逕東西十里河村口泉峪之水西來注之水源出坤雲山北口泉峪匯為方池東北流逕口泉村又東注十里河

十里河又東南至合河口與如渾水合如渾水又南至高家店入桑乾河桑乾河又東逕甓城驛古定橋北明嘉靖間御史宋儀望請疏桑乾河通宣大糧餉所謂古定橋即此也又東北流至許城折而北至東沙窩村又東流逕于家塞補村明史作卜村宋儀望所謂卜村有叢石也又東逕西冊田貴仁村東冊田亂石村至梁家馬營入陽高縣南川界又東南逕黃土梁南又東逕大柳樹小石莊南又

東至西馬營入天鎮縣南川界又東逕蘆子屯北
嘴兒圖南石門溝水自北來注之水發源天鎮縣

西三十里李芳山陰東南流逕縣南五十里又南

逕嘴兒圖會五泉河入桑乾河

五泉河發源天鎮縣馬頭山南流至

定安營會倒回窩小廟灣金圪塔三泉折而東逕
興隆堡與蝦蟆泉合南會龍池堡之龍泉由顧家
營鹽水皂屈曲而西逕陽高縣之西坦坡大同
縣之康石莊復折而東入嘴兒圖以達桑乾河

乾河又東逕六稜山北小鹽場南又東入直隸西

寧縣與蔚州分界又東流逕西寧縣南二十里柳

園泉自縣西北延縣南又東南注之又東流逕揣

骨曠北

謹按乾隆八年前督臣高斌奏於桑乾河上游北岸自山西大同縣之西堰頭村黑

石嘴起東至直隸西寧縣之辛其村止開大渠一道長四十六里零南岸自大同縣之冊田村起至西寧縣之揣骨曠止開引渠一道長五十八里又於河灘北作迎溜亂石滾水壩

沙城堡

南又東至南梁莊北折逕廕子溝村又折而東南至太白嘴村北有小水逕村東自南來注之又東流逕東城堡南即順聖東城也西沙河自城西一里龍王河自城東一里皆泉水湧出南流注之

乾河又東北逕虎頭梁村又東南流至小渡口村

北右得壺流河一作壺明史作葫蘆河即古祈夷

水也發源廣寧縣西三十里莎泉廣一畝泉源沸

湧東南流逕石梯嶺北右會石家泉東逕縣城南

作瞳河自左注之河源出廣寧縣西西山麓匯為池方十畝許東南流數里入壺

流又東枕頭河河源出廣寧縣南翟家瞳東南注壺流河直峪口之灑雨泉北流注

之東入集興瞳之水源出廣靈縣南七里自右注

壺流河之又東逕壺山下與壺泉合即豐水也豐水出廣

靈縣東南一里平原山麓涿泉竒地湧出東旋為小池與莎泉合二水匯流其形如壺故名壺流河

東流逕蔚州北一里又東北流百里合諸水滋水自蔚

州西南三十里南馬莊一名神泉水東北流入之又扶桑泉自蔚州東北北水泉堡扶桑廟前大池中流出逕堡西東北流注之又七里河源山蔚州東七里張家莊北折而西北流經東七里河村至君子山北流入之又會子河源出蔚縣東六十里白樂東堡東南為清水河逕會子里至南吉家莊其流始渾又逾羊園堡至袁家皇北流注之又太平河一名安定河源出蔚縣東七里馬蹄山逕流山溝至寧遠店與涿泉會過紅橋太平二堡其流始大又過吉家莊定安縣至利台堡北流注之

西逕小渡口村北注桑乾河桑乾可又東北流逕
大渡口南小清河水自大渡口村西來注之又東
流至黑龍灣入宣化縣西南界北折而東南屈逕
大沙河村東至蠻子營又東南流逕馬家灣東流
逕筆架山入保安州西南界至南北兩孤山間東
過保安州城南一里又東南流至河南二堡東又
東流至新寧堡西又東南流逕焦家營南東至包
家營南虎頭山北

謹按孤山西至頭堡土人向北
開渠引水灌田謂之上渠迤東

土人向南開渠謂之河南渠又逕陞官堡東土人
向北開渠謂之中渠逕楊家水磨土人向北開渠
謂之下渠逕保安州城南大西莊下太府至新堡
上太府納上中下渠之水自西北來仍入於河又
東至東小莊入懷來縣之西南界又東逕雙樹北
子老虎莊至保家莊西北洋河合柳河來會焉北
會洋河其流更盛洋河有南西東三派又東會清
水河而塞外并宣府諸水皆入之是以桑乾河得
此益盛也南洋河即古雁門水也發源自山西陽
高縣雲門山北豐鎮廳界南流入守口堡之開山
口俗名守口河馬邑河西來注之

源出陽高縣西
北山明英國公

張懋田鑿石開渠
東流逕萬錦莊

東逕大師莊又東逕織錦莊北

繞城而東逕柳林堡紀家莊屈而南與白登河會

河即古壩水源出大同縣東北七十八里聚落山
南俗名河兒頭東流逕陽高縣西南之南北沙嶺
折而東逕河上堡以在古白登縣
南故名白登河又東注南洋河 又東逕樂玉堡

入天鎮縣境又東逕蕭家屯卞家屯右會三沙河

河發源天鎮縣東南筆峯五架石梯三山合而
流逕米薪山南孤峯山東歷李沙表沙陸沙三河
又西至宋家廠
入南洋河順流折而北逕十里鋪土人名十里河

又東逕七里墩會諸泉於城西又東北流逕城北

之培風堡左會車箱河

河發源天鎮縣北鄧家園玉泉西流逕霜神祠匯為

池導入

又東八里河自北來注之

天鎮縣南八里有井出泉匯而

東流故名折而

又東涌泉水自南來注之

泉亦名海子泉

水源出天鎮縣西南孫家園北流注南洋河

又東天潮河自南來注之

河源出天鎮縣南楊家屯西北流匯七股泉北入南洋河

又東逕石佛寺李寨

石嘴墩蘭陵朱家二溝之水北流注之

蘭陵溝發源天鎮縣

東南十里泉眼數十隨地涌出北流入山溝注南洋河朱家溝河導源天鎮縣東黑龍背麻黃楞諸

泉北流入

又東逕永嘉堡入直隸懷安縣界河自

李信屯至縣西南三十里逕水溝口山北折名水溝口

河至縣西北合柳河河在城西七里又東北逕城北逕萬

全左衛城一里一名東河又東逕柴溝堡西南五里入

東洋河西洋河即古延鄉水也發源大同府豐鎮

廳東太僕牧地蒙古謂之葫蘆速太其水自七家

營東北流逕高嶺子東石嘴頭名頭道河東流入

天鎮之平遠水口石塘河東北來注之石塘河天鎮縣大梁

山北流逕瓦窰溝與南邊口水合水源出豐鎮南灣東流入天鎮縣樺門山北逕瓦窰溝匯石塘河

又東北注
西洋河

西洋河又折而東逕平遠堡十字河北

流注之

河發源天鎮縣東北史家窩諸泉北流至平遠堡入西洋河

又東逕西

洋河堡南入直隸懷安縣界又東逕渡口堡北注

東洋河東洋河古修水水經注謂之于延水發源

察哈爾正黃旗五祿戶灘南流逕大青山又南逕

八戒窩黑土臺屈而東逕碾房窩謂之二道河又

東至直隸宣化府新河口入口東南逕新河堡洗

馬林堡又東逕懷安縣之柴溝堡西北合西洋河

又東南至堡東五里合南洋河又東逕萬全縣南

溫涼泉注之

泉發源縣西南五十里平地湧出冬溫夏涼故名

又東逕宣

化縣西北境清水河自北來注之清水河即水經

注之甯川水也發源邊城獨石口西南山南流百

餘里折而西流與拜察河合

河在張家口北稍東六十里源出拜察村

逕桑阿蘇臺山俗謂之古爾板河

南流逕太平莊西南流入宣化

府張家口又南流逕萬全縣東又南逕宣化縣西

南境注東洋河以下通謂之洋河

一名大洋河又

東南流西海子水自西南來注之

水在舊萬全左衛西無源匯衆

山水成澤流入洋河

洋河又東流小清河水自北來注之

水自

葛峪堡西南流水泉水逕宣化府城西二里南入洋河

洋河又東逕宣化府

城南五里過洋河橋下又東流至宣化縣東南界

泥河自西南來注之

河在宣化東十五里自關子口西南流四十里注洋河

洋河又東南流逕鷄鳴驛西又逕驛南東南流逕

包家營東保安州東南二十里虎頭山北會桑乾

河形如燕尾故名燕尾河桑乾河又東南流有一

水自八寶山南流注之又東流西水泉自西水泉
村北來東水泉自東水泉村北來會注之又南流
還老君山之東至柯家窰之北又東流還河神祠
北又南流還新窰子村東礮山水還村北自西來
注之水出保安州東南八十里礮山下名二郎溝
東北流入桑乾河桑乾河又東流南屈望聖山水
自西來注之媯河自東來注之媯河源發延慶州
西北大海陀山經金剛山前至州東繞州南一里

西流合溪河

河出州南團山之西南流逕永寧城西流入媯河

又西南流

二十里大柳河自北來注之

河源出懷安縣養鵝池

又西流

黑龍河南流注之

河源自州西北佛峪山溫泉西南流逕黑龍廟渠南流入媯河

媯河又西流逕懷來縣南一里又西南流五十里

入桑乾河名合河口桑乾河又南流遠東山之麓

東折而南逕後辛坡村東南小清河自西南來注

之河發源橫山西麓北流合窩兒嶺水逕橫山北

東入桑乾河桑乾河又東南流逾磨石嶺西松樹

嶺東至石羊溝北折而南又折而東北逕磨盤嶺

北又折而西南屈曲入宛平縣之沿河口謹按乾隆八年

前督臣高斌議於宣化境內之黑龍灣懷來縣之

和合堡宛平境內之沿河口三處皆兩山夾峙和

合堡為象水匯流之處

先築玲瓏石壩一座逕沿河堡城東又東南流

屈曲穿山谷中至劍崖東又西南流至桑峪東又

東南流至傅家山北又西北流繞傅家山麓又南

流逕水碾口東小溪水自西來注之水合桑峪西

溝水逕水碾口村南流入桑乾河桑乾河又南流

逕青白口村東清水河自西來注之河自大臺村
逕青白口村南流入桑乾河桑乾河又東南流逕
黃牛山東菩薩崖西崖北有山河一道河北地名
羣魚口河南地名鹽池其水自河東諸山澗匯而
西流入之桑乾河又東南流逕南河臺東安各莊
南又南流逕二梁山又東南逕大梁山疑即水經
注所謂厯梁山南高梁水出焉者也諸志皆不載
梁山亦不敢附會其說桑乾河又東南流逕清水

溝清水自清軍臺逕王平村西清山溝村南西北
流注之桑乾河又屈曲東流逕琉璃局北至三家
店西又南流復轉而東至麻峪村西又折而南分
一小支即元史所謂東麻峪西分為二派也西支
南流逕狼窩村西新城村東又東南流至陰山北
入正河正河自麻峪村西東南流至北金溝北入
永定河界永定河逕北金溝南金溝之西二金溝
即金元時之金口也又南流至石景山繞山之西

麓西南流逕龐村西卧龍岡東又東南流逕孟家莊西又東流逕賈家莊南陰山北會支河東流逕衙門口村西又南流逕修家莊東又南流入盧溝橋下橋凡十一洞水大或七八洞過水盛漲則十一洞俱通流水小則近北三四兩洞行水出橋而南流近西岸石隄至大寧村東北緣山坡東南流自石景山至此約三十里河底多砂礫水大一望汪洋奔濤洶涌水小則水穿砂磧或分或合流無定形此下則併為一河即間經高店東繞山坡南有分岔小支旋即淤澁矣

流至北岸頭工上汎立堡村西近北岸流又西南
逕南岸頭工朱家岡東河近南岸流又東南逕北
岸頭工下汎十五號又近北岸流又西南至南岸
頭工二十五六等號河近南岸流又南至南岸二
工三號入良鄉縣界又南逕北岸頭工下汎張客
村西河近北岸流北岸頭工下汎張客村西對南
岸二工老君堂東康熙三十七年建兩岸隄工自
此起後遂接建土隄並南岸二工石隄也河又南

流至南岸二工十四號右有金門石閘減河減洩

盛漲

減河另
條錄後

又南逕趙村西河近北岸流又南至

北岸二工八號入宛平縣界又南至南岸二工十

九號入涿州界河近南岸流又東南至北岸二工

庶各莊西河近北岸流又西南至南岸三工五號

入宛平縣界河近南岸東南流至南岸三工九號

尾入固安縣界又東南至南岸三工十一號右有

北村灰壩減河減洩盛漲左有北岸三工四號求

賢灰壩減河減洩盛漲

二減河另
條錄後

又東南至北岸

三工十三號入固安縣界河近北岸流又東南至

北岸三工十八號河近北岸流又南流至南岸四

工十一號攔河壩逕壩尾南折又東南流至南岸

五工三號入永清縣界又東南至南岸五工九號

河近南岸流又東至北岸五工九號河近北岸流

又東南至南岸五工十四號河近南岸流又東至

北岸五工十六號河近北岸流北岸五工十六號

隄北有盧家莊南岸五工十八號隄南有郭家務

此康熙三十七年建兩岸隄工至此止康熙三十

九年改河至柳岔口接築東西隄自此起雍正四

年復改河築隄至王慶坨處也

康熙三十九年之河在今南岸之西

西老隄之東雍正四年之河自此南至永清縣冰窖村西轉而東至王慶地入三角淀今之舊南北

隄是也乾隆十五年冰窖草壩改河則又由雍正

年之南隄出口循康熙三十九年之東老隄東入

葉淀乾隆二十年於北岸六工二十號改下口則

又開雍正四年之北隄放水東行今自順水壩以

下雍正四年之舊南北隄

猶存而河身皆成淤也矣河自北五工十六號稍

東折而西南至南五工二十二號近南岸流又東
南至北岸六工二號河近北岸流又南至南岸六
工十四號河近南岸流又東南逕南岸六工十七
號順水壩至北岸六工十八號出下口東流

河口
下口

北距北隄十里至二十里不等南距南隄七八里
至二十餘里不等皆聽其蕩漾散水勻沙之地今
據現經州縣地界及近
河舊村詳其經行方向河東流逕舊第五里村北

二里許東北流至河神廟西三里稍東南流逕廟
南入東安縣境河距廟南二里許東流至黃家隄

村南又東南流逕孫家坨村東又東流至張家場
南又東流至葛漁城村東東北流至西蕭家莊入
武清縣境西北分一小支北流循廢北埝之北東
南流入鳳河正河逕村北二里許東流又分一小
支東逕廢北埝南教子嘴入沙家淀正河東南流
逕又光二光村北穿沙家淀又東南流逕漁壩口
穿葉淀入天津縣境至雙口村會鳳河南流逕曹
家淀至青光村東東南流會大清河東流至西沽

南流右會子牙河又東南流左會北運河又西南
流至天津府城北三岔河口會南運河逕府城東
東南流百二十里入渤海

金門閘減水引河

南岸二工十四號金門閘乾隆三年建挑挖閘下
引河以減潰盛漲由良鄉縣之韓家營逕涿州之
北蔡南蔡至宛平縣之長安城南入固安縣之米
各莊至畢家莊舊於此建筭尖壩分東西二股西

股自畢家莊南至新城縣之李家莊入霸州蜈蚣河南歸中亭河達東淀即未築隄以前渾河之故道也乾隆五年九月初四日督臣孫嘉淦奏准於南岸二工十號開隄放水改永定全河入西股引河任其漫流以復一水一麥之舊旋因今昔形勢不同村莊碁布田廬被淹於六年二月二十八日經大學士鄂爾泰奏准堵閉復歸大隄之內照舊修防至乾隆十七年總督方觀承奏准堵

截西股引河止存東股東股引河亦未築隄以前
渾河之故道也自畢家莊東南至牛坨接黃家河
入永清縣之楊家務霸州之鋪疁疍歸津水窪達
淀乾隆十年水利案内疏濬深通至乾隆十五年
黃家河淤塞由牛坨南至林城鋪入霸州舊牯牛
河歸中亭河乾隆二十八年工賑案内又疏濬黃
家河自金門閘下至津水窪共長一百四十七里
五分三十七年大工案内復普律疏濬又於牛坨

南分流之處建築草壩俾水勢三分由牯牛河入
中亭河七分由黃家河歸津水窪仍於每年農隙
照例撥行州縣勸民挑浚

北村灰壩減水引河

南岸三工十一號北村草壩引河乾隆二十五年
挑建乾隆三十七年因下游會入金門閘引河太
近且紆曲不順將壩向南稍移改為灰壩壩下減
河自北村東挑挖南至南柏村會入金門閘引河

計長五十一里二分皆固安縣境

求賢灰壩減水引河

北岸三工四號求賢壩下減河原係古河乾隆四年建築草壩即疏為洩漲減河二十七年改建於三號三十七年又改建三號頭並改為灰壩循北岸行歷宛平固安永清東安武清等縣境流入鳳河乾隆十年水利案內疏濬長一百五十餘里自六工以下即以挑河之土加培北埝乾隆二十一

年下口圍築遙埝自永清縣趙百戶營村南將減河築截即於遙埝之北接開減河長八十四里零至武清縣南宮村北東入鳳河乾隆二十八年遙埝北又圍築越埝自永清縣小荆堡村南將減河築截即於越埝之北接開減河長四十九里零至武清縣劉家莊北入遙埝舊減河其越埝以上舊減河亦於本年以工代賑一律挑濬每年農隙照例勸民疏挑乾隆三十二年劉家莊北廢遙埝為

潞水浸埧減河遂由缺口東入母豬泊乾隆三十
七年求賢壩移建於四號改為灰壩自壩下接挑
減河普律疏濬三十九年又因母豬泊淤淺減河
宣洩潞水不暢於越埧尾創溝二道仍分入遙埧
舊減河

匯流河淀

鳳河發源

南苑一畝泉自東南隅閘子口流出逕大興縣之采

育村鳳河營東安縣之隄上營東流至通州之南
三房村入武清縣境迤城北面逕韓村桐林等村
東南逕泗村店陳辛莊西會舊遙塽減河又南逕
南宮東洲龐家莊西會舊北遙塽減河又南至天
津縣之丁家莊雙口西連朱家淀葉淀穿曹家淀
至青光村東韓家樹村西入大清河下載於乾隆
十年水利案內動帑挑挖十四年又加疏濬為
永定河下游匯流達清之道其上游自閘子口至

陳辛莊河道向係地方官經理自陳辛莊至韓家
樹循鳳河東隄長五十九里零係永定河東隄外
委經管乾隆二十八年工賑案內一律疏濬三十
二年三十七年又普律展挑四十一年又閘段挑
濬深通東隄一道以防漫水東漾致礙北運河西
隄

龍河無來源

一說自宛平縣野場發源

自大興縣之田家營入

東安縣境逕大五龍古縣劉各莊南昌永豐田家

莊等十九村過縣城北東至羅鍋判入武清縣界
約七十餘里又南至斛口村西入東安縣界至響
口村約十三里又東南八里至武清縣之定子務
六道口散漫歸淀後築北埝遙埝越埝截斷下游
即由埝外減河東入鳳河今由北埝即越埝外減河
東入母猪泊及南由北隄尾入遥埝減河東南歸
瓦口泊東達鳳河南入沙家淀其上游現雖乾涸
而河形宛然夏秋大汛

畿南數百里滙水賴以宣洩

沙家淀在武清縣南五十里西至教子嘴東至陳家嘴南至二光北至永定河廢北埝長約十里寬約八里為容納永定河水之區

朱家淀在武清縣南五十餘里沙家淀之東南西連沙家淀東至鳳河邊南至九道溝北至龐家莊長寬約八里亦為容納永定河水之區

葉家淀在武清縣南六十里半入天津縣境西北

接朱家淀東南連鳳河長寬五六里乾隆十五年
永定河改移下口循南埝入此淀由鳳河達大清
河

曹家淀在鳳河東隄之西葉淀東南南至韓家樹
西北至雙口約長十五里寬二三四里不等為鳳
河下游受永定河鳳河之水入大清河

大清河上承七十二清河之水由西淀而東淀傳
蓄游衍至天津之三河頭始有崖岸故曰河頭由

河頭而東五六里會鳳河

永定河尾間

再東南過韓家

樹南循格淀隄北過西沽南右與子牙河會又東

南左與北運河會又南至天津府城東北角右與

南運河會謂之三岔河口直隸全省之水除永平

一府之水各自達海外餘水皆歸此口而山西之

滹沱

下游即子牙河

清漳濁漳

由交張口入衛河

河南之衛河

至山

東臨清州八女運河

山東之汶水

由南江南運河

亦歸於此口運

天津府城東過五閘下海河歷大直沽行百二十

里以達於渤海

黃花泊在武清縣南三十里廢

其圍廣二十

里地勢窪下為滙水匯歸之區東由瓦口泊入北
埕外舊減河近漸淤淺

瓦口泊在黃豬泊南地亦窪下滙 匯歸內有小

河一道西自黃花店接廢運埕外減河東南行運

大小王村歸廢北埕外減河以達鳳河為三津舟

楫往來之路

黃花店疑因古黃花淀得名瓦口泊與黃花店相近疑即古黃花淀也

津水窪在東游北尾霸州境上承永清縣黃家河
寬廣十餘里地勢空曠窪下為金門閘減可歸宿
之

志卷四

永定河志目錄

卷五 考三

工程考

石景山工程
成規橋式



永定河志卷五

工程考

河防之有工程規制亦紛如矣要不外因地制宜以期固隄工利水道也永定河上自石景山下至鳳河入大清河曲折二百餘里分隸四廳十九汛修防盧溝橋則咽喉也兩岸則胸膈也下口則腸腹也會入清河處則尾閭也尾閭不暢則胸膈受病古已云然然淤積有中泓疏濬

之方隄埽有歲修搶修之備當大汛時官吏兵
民皆駐隄上無論晝夜風雨巡防守護上下數
百里間首尾一氣呼吸相通日則畚鍤如雲夜
則燈火相望而隄岸以外桑麻遍野禾黍盈疇
苟非霖雨甚漲有不歌樂土而慶安瀾者乎爰
作四廳工程考凡隄埽閘壩亭廟官署防汛公
廨兵鋪及十里內村庄疏浚船隻橋閘各式俱
附隸焉成規修守事宜則現遵行者

石景山工程石景山同知轄千總一員經管

石景山東西兩岸石土隄工舊係工部司員經理所編號數丈尺長短不均且兩岸通編為天字三十九號雍正八年奏歸永定河設同知一員留把總一員專管乾隆三年又改設千總一員至二十八年始分東西兩岸東岸長二十三里五分編二十四號西岸長十四里編十四號四十九年河道陳琮以隄工號數定限百八十

丈為一里所以示準繩亦所以便稽核稟請咨
部更正除南北金溝石工二段舊例為一號外
東岸自南金溝起至北岸上頭工交界止長二
十三里九十六丈編為二十四號西岸盧溝橋
以北地勢高阜舊本無隄自橋翅南起至南岸
頭工交界止長十四里編為十四號

東岸

第一號北金溝片石隄長十丈南金溝片石隄長

三十丈七尺

雍正九年以前工部修建乾隆十七年築片石錢隄共長四十丈七

尺

第二號石景山前片石隄長六十九丈五尺

雍正九年

以前工部修建乾隆六年修補片石錢隄長六十三丈

片石隄長七丈大

石隄長十五丈五尺片石隄長八十丈土隄長

八丈

內幫砌片石錢隄

第三號土隄長一百三十三丈大石隄長四十七

丈

雍正九年以前工部修建乾隆元年廟後大石隄殘缺修補片石錢隄十五丈三十四年

拆修改築大石片石錢隄十六丈內
帶片石錢隄一百三十三丈五尺

片石雞嘴壩二座長四十六丈九尺今廢

第四號大石隄長七十三丈雍正九年以前工部
修建乾隆元年修補

片石隄十五丈三十
四年改做十六丈 片石隄長一百零七丈乾隆

五年加大石錢隄二十丈又南接片石錢隄二十
五丈十八年補修片石錢隄五十一丈五尺

雞嘴壩一座長四丈一尺

北極廟前鐵牛一具康熙戊午年工部差送安

置牛高二尺身長六尺

第五號土隄長一百八十丈

隄上橫道通西山煤廠及潭柘戒壇之路隄身
大石包砌名旱橋

第六號土隄長一百八十丈

此號內舊大石片石隄長十九丈二尺乾隆四
十六年修築片石戩隄長二十五丈乾隆五十
年修築片石戩隄三十丈

第七號土隄長一百八十丈

第八號土隄長一百八十丈

攔河土壩一道長八十丈

乾隆三年築

第九號土隄長一百八十丈

第十號土隄長三十三丈片石隄長六十丈片石

隄長六十七丈

內大石護隄三十七丈乾隆元年修砌

片石隄長

二十丈

第十一號片石隄長三十四丈片石隄長五十二

丈

乾隆二十三年築乾隆三十年修築大石片石戩隄三十六丈五尺

片石隄長

五十四丈

乾隆二十四年按察

土隄長四十丈

第十二號土隄一百八十丈

第十三號土隄長一百三十七丈石子隄長四十

三丈

第十四號石子隄長一百七十五丈

乾隆二年加築灰頂八十

五丈乾隆三年內幫砌大石片石鐵隄一百七十五丈

大石隄長五丈

第十五號大石隄長一百一十五丈

雍正九年以前修建乾隆

四年修補上有灰頂

上壩臺大石隄六十二丈

乾隆五年

築片石小
錢隄十丈 石子隄長三丈

第十六號 石子隄長八十丈五尺

乾隆元年壩臺
南砌片石錢隄

二十八丈五尺三年上下壩臺中幫砌片石錢
隄五十二丈十三年補修片石錢隄三十二丈

下壩臺大石隄長六十一丈大石隄長三十八

丈五尺

雞嘴壩一座長四丈五尺

第十七號大石隄長三十九丈五尺片石隄長八

十八丈

雍正十一年築錢隄二十丈乾
隆八年幫片石錢隄七十丈

大石隄

長十丈片石隄長四十二丈五尺

內加片石錢隄四十二丈

五尺乾隆九年築欄河壩十二丈又接砌大石片石挑水壩五十六丈片石橫隄十六丈

第十八號片石隄長二十二丈五尺

內加幫片石錢隄二十二丈

丈五尺大石隄長一百五十七丈五尺

內幫大石片石錢隄

丈五十

第十九號大石隄長一百八十丈

第二十號至橋北雁翅止大石隄長六十丈五尺

接南雁翅石子隄長一百一十九丈五尺

內加幫片

石錢隄四十五丈片石小錢隄三十丈片石錢隄四十三丈五尺

第二十一號石子隄長一百七十一丈

乾隆四年修砌片石

斜錢六十五丈

土隄長九丈

內幫片石錢隄九丈

雞嘴壩一座 兵舖一所

第二十二號土隄長一百八十丈

內幫片石錢隄一百八十丈

此號乾隆二年漫溢搶築完固

第二十三號土隄長一百八十丈

內幫片石錢隄一百八十丈

第二十四號土隄長九十六丈

內幫片石錢隄九十六丈

雞嘴壩一座

西岸

第一號盧清橋南雁翅起石子隄長一百八十丈

雍正九年以前部員修建乾隆二年
修補九十九丈七年修補六十丈

第二號大石隄長一百八十丈

乾隆五年自玉露
庵起接連下號修

補大石隄共長
四百二十丈

第三號大石隄長一百八十丈

第四號大石隄長一百八十丈

乾隆十二年纂片
石錢隄六十二丈

五尺十九年築片
石戕隄四十五丈
兵舖一所

第五號大石隄長一百八十丈
乾隆十五年築片
石戕隄五十四丈

二十年築片石
戕隄四十二丈

第六號大石隄長一百三十丈
乾隆十六年修土
補片石隄三丈

隄長五十丈

第七號土隄長一百八十丈
兵舖一所

第八號土隄長一百三十丈

第九號至十四號地勢高阜向未建隄今仍按丈

分里編號 大寧村

第十號

第十一號

第十二號 後高店

第十三號 前高店

第十四號

石景山各項物料價值工程做法則例

青砂大石每高一尺寬一尺長一丈山價銀一兩

二錢在宛平縣石府村採取每石一丈每里運價銀二分查石府村運至汛內天字一號計程二十里運至三十二號計程五十二里其做何段工程運價應於臨時按里估報

豆渣大石每高一尺寬一尺長一丈山價銀一兩在房山縣楊二峪採取每石一丈每里運價銀二分查楊二峪運至汛內天字三十二號計程八十二里運至天字一號計程一百一十二里

其做何段工程運價應於臨時按里估報

片石見方一丈高二尺五寸山價銀一兩一錢在
宛平縣八角村採取每車裝載高二尺五寸寬
一尺長一丈每里每車運價銀二分七釐查八
角村至汛內天字一號路距十二里至天字三
十二號四十二里其做何段工程應於臨時按
里估報

石子見方一丈高二尺五寸係本工就近取用不

用山價每方拾取工價銀七錢八分查石子一項原係應修工處就近拾用例無運價若本工程無可拾處必於遠處運用應須照片石例高二尺五寸寬一尺長一丈每里每車運價銀二分七釐按程計算

白灰每千觔連運價銀一兩再永定河南北岸有應修工程需用灰觔除採價銀六錢之外計程途之遠近每千觔每里酌增運價銀一分

生鐵錠每個長六寸五分兩頭均寬三寸六分中
腰寬一寸六分厚二寸重十二觔十兩八錢每
觔價銀一分六釐

桐油每觔價銀六分

油灰每觔價銀一分六釐

白礬每觔價銀一分八釐

江米每石價銀二兩八錢

好麻每觔價銀六分

麻刀每觔價銀一分

紫縛繩每觔價銀二分五釐

絲麻舊例每觔價銀二分查南北岸採辦絲麻價銀係一分八釐因石景山離產麻之地稍遠是以用價二分

火燎杆秫秸每束三拿重十一觔價銀一分二釐
柳枝每束重十五觔價銀一分二釐

葦席每張長一丈寬五尺價銀一錢四分

柳園高五尺徑五尺每個價銀五錢如有大小高低臨時增減估報

楊木長一丈八尺徑五寸每根價銀三錢三分

杉木長二丈二尺徑五寸每根價銀五錢一分五

釐九毫

穀草每十觔價銀一分

稻草每十觔價銀一分六釐

旱土築隄每方銀七分八釐工價銀二分四釐其

遠土築隄均照永定河則例開銷

黃土每方價銀一錢六分

素土每方價銀一錢

大式大夯見方一丈高五寸為一步用白灰三百

五十觔黃土見方一丈高二尺五寸土二分二

釐四毫工價銀四錢如隄壩內尾土併蓋頂處

需用灰土照此例

夯礮夫每名工價銀八分

捆葦下葦每束工價銀二釐五毫

刨槽每折見方一丈高一尺用壯夫一名每名工價銀七分

小夯灰土見方一丈高五寸為一步小夯二十四把用白灰一千二百二十五觔黃土見方一丈高二尺五寸土八釐四毫工價銀一兩二分四釐如開壩金門出水等處需用灰土照此例小夯十六把用白灰七百觔黃土見方一丈高二

尺五寸上一分六釐八毫工價銀九錢如隄壩
開墻基址需用灰土照此例

夯築灰頂每見方一丈高五寸為一步工價銀四
錢

刨挖砂石見方一丈高一尺每方用壯夫四名
青砂石做細每折寬一尺長一丈用石匠一工五
分

做糙每折寬一尺長一丈用石匠一工

對縫安砌每長一丈用石匠二工

擺滾叫號折寬厚一尺長八尺以外用每長三丈

用石匠一工

拽運擡石折寬厚一尺每長一丈用壯夫一名

灌漿每長四丈用壯夫一名

豆渣石做細每折寬一尺長一丈用石匠一工

做糙每折寬一尺長一丈五尺用石匠一工

對縫安砌每長一丈用石匠一工

擺滾叫號折寬厚一丈長八尺以外用每長五丈

用石匠一工

拽運擡石折寬厚一尺每長一丈用壯夫一名

灌漿每長四丈用壯夫一名

上車下車每單長一丈用壯夫半名

通工石匠瓦匠艚匠木匠鐵匠每名工價銀一錢

五分

壯夫灌漿夫運夫每名工價銀七分

修砌大石隄工做法

修砌大石隄工每長一丈底層用長五尺寬二尺
厚一尺五寸釘石五塊上用順石每長二丈用
長四尺寬二尺厚一尺五寸拉扯石一塊其用
石丈尺俱係按丈按層以寬厚一尺單長一丈

計算估報

修砌大石隄每石底寬一尺單長一丈用

灰四十觔

灌漿灰四十觔每漿灰四十觔用

江米二合

白礬四兩如非大石隄係別項工程止照例准灰
四十觔江米二合白礬四兩

灌漿每長四丈用壯夫一名

修砌大石隄層釘石一塊用鐵錠一個順石每牽
長四尺用鐵錠一個順石每長二丈用拉扯石
一塊釘石一塊為一副每副扣鐵錠二個每鐵

錠一個用

白礬四兩

扣鐵錠三十個用

壯夫一名

拘抵大石隄每縫寬五分長一丈白灰一觔桐油
四兩每長十丈用石匠一名每搗油灰四十觔
用壯夫一名

修艚石縫如石縫寬五分深五分每長一丈用油

水尾河志卷五
灰一觔四兩每油灰五觔用好麻一觔每五丈
用艚匠一工

大石背後填砌片石應除底層釘石三丈又除釘
拉石分位計算折見方一丈高二尺五寸為一
方補砌片石併石子隄寬一丈長一丈高一尺
揷灰泥砌每方用白灰三百觔如白灰砌每方
用

白灰八百觔

瓦匠一名五分

壯夫三名

拘抵片石隄如石縫過多連縫通抹勻折厚二分
每見方一丈用灰八十觔麻刀二觔六兩四錢
瓦匠五分工壯夫一名

拆卸舊青砂石每折寬厚一尺長五丈用石匠一
工壯夫二名

舊青砂石對縫安砌不論寬厚每長一丈用石匠

一工

擡舊青砂石折寬厚一尺每長五丈用壯夫二名
舊青砂石歸隴不論寬厚每長六丈用石匠一工
舊青砂石改截刷面每折寬一尺長一丈用石匠

二工

拆卸舊豆渣石每折寬一尺長七丈用石匠五分
工壯夫二名

舊豆渣石對縫安砌不論寬厚每長二丈用石匠

一工

擡舊豆渣石折寬厚一尺長五丈用壯夫二名

舊豆渣石歸隴不論寬厚每長八丈用石匠一工
舊豆渣石改截刷面每折寬一尺長一丈用石匠

一工

以上拆做舊石料永定河三角淀工程照例辦理
修砌大石應用扛木楞木繩觔照例用
杉木四十根長二丈二尺徑五寸

擡運麻繩一千七百觔

鐵繩二條每條重三十觔每觔銀七分

鐵撬二把每把重八觔每觔銀七分

鐵鉤二把每把重三觔每觔銀七分

鐵鶯嘴二把每把重五觔每觔銀七分

鐵幌錘一把每把重十五觔每觔銀七分

灰籬四面每面銀一錢

灰篩四面每面銀六分

汁鍋二口每口銀一兩二錢

汁缸二口每口銀一兩

水桶四副每副連扁担鐵鈎銀三錢

鐵灰杓四個每個重二觔每觔銀七分

木鋤四把每把銀五分

戽斗四個每個銀八分

以上扛木繩舢等項工完之後或存工應用或折半變價歸款臨時酌定

修砌石隄臨水之處應築攔水壩每長一丈高五尺用秫秸一百二十四束

廟塾埽眼用秫秸三十束

綆繩八盤每盤長四十丈用稻草三十觔

葦席一張長一丈寬五尺

壯夫六名如遇有水之處加用岸水夫二名

攔水壩後應築閉氣土隄需用土方臨時按照高

寬丈尺估報

石景山汛內建築石子攔河壩例用

柳圈高五尺圓徑五尺每個用見方一丈高二尺
五寸方石子三尺七寸五分

稻草五十觔

柳圈一個安圈填草剗鑿穿釘壯夫二名

柳圈二個用楊木穿釘一根長一丈二尺徑五寸

盧溝橋式

橋廂東西長六十六丈南北寬二丈四尺兩傍金

邊連欄杆均寬二尺七寸東頭橋坡長十八丈西頭橋坡長三十二丈兩頭橋翅南邊俱長六丈北邊俱長六丈五尺出土俱高一丈四尺橋東南翅至西翅河面寬七十三丈八尺橋東北翅至西翅寬七十四丈五尺橋虹十一每虹南北入身皆長二丈六尺兩頭第一虹海墁至虹頂俱高二丈一尺七寸東西俱寬四丈一尺第二虹俱高二丈二尺寬四丈一尺五寸第三虹俱高二丈二尺一寸

寬四丈二尺五寸第四虹俱高二丈二尺七寸寬
四丈三尺第五虹俱高二丈三尺六寸寬四丈四
尺中一虹高二丈四尺寬四丈五尺

橋北兩虹之間砌石斧形自上而下鑄以三稜鐵
刃以分水勢

永定河志卷五